

明紅絲
欄鈔本

百
家
詞



文溪詞目錄

蘭陵王

摸魚兒

四首

賀新郎

七首

水龍吟

三首

水調歌頭

四首

念奴嬌

二首

瑞鶴仙

沁園春

滿江紅

二首

菩薩蠻

漁家傲

西江月

浣溪沙

城頭月



文溪詞目錄終

文溪詞

番禺李公昂俊明

蘭陵王

燕穿幕春在深深院落單衣試龍沫旋薰又怕東風
曉寒薄別來情緒惡瘦得腰圍柳弱清明近正似海
棠怯雨芳踪任飄泊

釵留去年約恨易老嬌鶯多誤靈鵲碧雲杳渺天涯
各望不斷芳草更迷香絮回文強寫字屢錯淚欲注
還閣孤酌住春脚便彩局誰收寶軫慵學堦除拾
取飛花嚼是少春恨等閑吞却闌干猛拍嘆命薄
悔舊諾

摸魚兒

曉風癡綉簾低舞霜霏香碎紅雨燕忙鶯懶春無賴
懶爲好花遮護渾不顧費多少工夫做得芳菲聚休
顰百五却自恨新年游疎醉少光景恁虛度
猊奩瘦困起庭陰正午游絲飛絮無據千林濕翠須
更遍難綠鬢根霜縷愁絕處怎忍聽聲聲杜宇深深
樹東君寄語道去也還來後期長在紫陌歲相遇

摸魚兒

用古買陂塘旋栽楊柳韻

敞茅堂茂林環翠苔磯低蘸烟浦青簑混入漁家杜
斜日斷橋船聚真樂處坐芳草瓦樽滿酒頻頻注皐
禽自舞慣松逕穿雲梅村踏雪朗笑自來去

車乘墜爭似脩筇穩步前塵回首俱誤安閑得在中

年好抱甕尚堪蔬圃高眼覷筭不識人間寵辱除巢
許風篁解語應共笑群狙無端喜怒三四計朝暮

摸魚兒

五羊郡圃築壯猷堂落成

遶西園粉籠千雉鏡池屏石天造主人意匠工收拾
華屋落成聞早輪興巧望縹緲五雲深處移蓬島油
幢羽葆指貔虎長驅鯨鯢網取電走捷旗報

鏡吹發回廬連屯飲犒海山波靜煙掃綸巾蕭散環
珠履春滿綠揚芳草人境好是握穗五翁福地無塵
到芝書在道便整頓乾坤經營萬宇棟國要元老

摸魚兒

送王子文知太平州

怪朝來片紅初瘦半分春事風雨丹山碧水含離恨
有脚陽春難駐芳草渡似叫住東君滿樹黃鸝語無
端杜宇報采石磯頭驚濤屋大寒色要春護

陽關唱盡鷓鴣徘徊東渚相逢知又何處摩挲老劍雄
心在對酒細評今古君此去幾萬里東南隻手擎天
柱長生壽母更穩步安輿三槐堂上好看綵衣舞

賀新郎

陪廣帥方右史登越臺

綉谷流明幟穩飛與茵柔草碧蓋欹松翠遨首意行
窮絕頂綵榭千年勝地遠峰斷莽蒼烟水護日晴雲
收午暑颯長風振葉生秋思籠霧炷影霞袂

清明官府歌棠芾且蕭閑事外下看玉城珠市山色

驕人逢此客塵尾霏霏露碎一矢又羊啣新穗田野
歡聲和氣合喚觥船猛爲魚占喜誰會得醉翁意

賀新郎

餞廣帥馬方山赴召

世羨官高大又誰知幾多卿相身榮名壞我輩相逢
無愧色彼此蒼顏健在又容易分携越海寫出陽關
離別恨看一行鴈字斜飛界天下寶願自愛

白衣蒼狗須臾改久冥心鷄蟲得失鸚鵡遲快君帶
貂蟬頭上立老我荷衣草帶肯此膝向人雅拜遠餞
兀非趨炎者二十年相與形骸外義金石更堅耐

賀新郎

同年顧君景冲雲翼經屬官舍白蓮盛開

招飲水亭

誰種藍田玉碧雲深亭亭月上水明溪曲羞作時收
兒女態冷淡水餐露沐出塵外風標幽獨除了留侯
無此貌便何郎傳粉終麤俗意疑遠韻清淑

涼臺向晚微風馥訝銀杯羽化折取戲浮醺醪安得
梅花如許大天遣辟除暑渾渾不覺鷺翹鷗浴可恨
妖妃汙太液只東林社友追遊熟宜夜看燦瑤燭

賀新郎

賦菊

細與黃花說是天教開遇重陽王裁金屑老行要尋
松竹伴雅愛山翁鬢雪任滿插追陪節物惟有淵明
吾臭味傍東籬盤薄芳叢擷便無酒也清絕

芒寒色正孤標潔慣平生餐霜飲露倚風迎月不比
芙蓉偏嫵媚不比茱萸太烈似隱者瀟闌巖穴至老
枝頭猶健在咲紛紛紅紫塵沙泊香耐久看晚節

賀新郎

餞廣東吳憲燧

時持節憲江西

元日除書濕到而今西風老矣駕輶初入自是龍顏
深注想孤鳳翔而後集父父老攀留原 庾嶺經行
梅亦喜小奚奴背底惟詩笈冰雪 又誰及

昨來容易風雲翕便三台兩地也只等閑如拾天馬
不鳴凡馬喑百步何如五十况洶洶波濤方急此去
一言回天力着着高百尺竿頭立澆磊塊快鯨吸

賀新郎

再用韻餞吳憲

過雨旋空濕浩秋香光浮桂菊曉風吹入柳繫牙樯
應小駐草草還成勝集又追趣牡車原隰照坐玉人
風骨聳想曾蟠藥闕琳琅笈真作者世難及

遠山雲霧工開翕共朱闌徙倚總好錦囊收拾老我祗
今才思澁知二爭如知十憂金縷檀敲休急訪古夷
猶行八境憶朝陽鳴鳳臺端立筆也醉硯池吸

賀新郎

丙辰自壽游景泰小隱作

天地中間大縱遨游登山臨水散人一箇學易已來
秋又六肯趣名韁利鎖得日日安閑笑過金馬玉堂
也曾到儘不妨拍手溪頭坐風翳莖月蘭舸

今朝記是初生我近小春黃菊猶葩早梅將朶援宅
危巔窮勝踐指點塵環蟻磨看澗底飛泉 松栢
蒼蒼俱壽相更千年雪鶴鳴相和安期老舉盃賀

水龍吟

癸丑江西持憲自壽

唱茶初意如何竭來五十三年矣犁鋤頗熟詩書粗
解簪紳聊耳自信柴愚真成汲戇却無劉臆向高秋
初度同時有菊淡相對風霜裏

最癖登山臨水又何心蝸名蠅利俗緣未了強教肉
食何曾知味無事微吟會心微笑逢場微醉把日生
只恁安排領取百十二歲

水龍吟

和吳憲韻且堅麇孤同游之約

驛飛穩駕高秋迎人滿目清新景秋還有色芙蓉照
水晨收對鏡雪捲寒蘆字橫過鴈渡浮孤艇是騷人
行處腔風調月香滿袖過梅嶺

斷岸煙收人靜雨聲乾桐疎楓冷掀髯獨笑仙翁起
舞卧龍呼醒近小陽春爲梅也合遲遲鞭影更麇孤
一笑追歡料得坡翁首肯

水龍吟

碧

花柳陰稠綠波痕膩一聲雷鼓半空雪浪

雙龍驚起氣壓鯨鯢怒掀鱗鬣擘開煙水筭戰爭蠻
觸雌雄漢楚總皆一場如此

點額許教借一得頭籌歡呼震地翻嗤浮世要津攬

進奔波逐利闔了還休倩渠卿寄三閭角黍會風雲
快出爲霖可但領明珠睡

水調歌頭

題舫齋

郭外足幽勝潮入漲溪流舫齋小小一葉老子日遨
遊管領白蘋紅蓼披戴綠蓑青蒻直釣任沉浮玉縷
飽鱸膾雪陣狎沙鷗

箇中眠箇中生箇中謳箇中收拾詩料觴客箇中留
休羨乘槎博望且德固蕭赤壁樂處是瀛洲日月盪
雙漿天地一虛舟

水調歌頭

題丰南樓和劉朔齋韻

萬頃黃灣口千仞白雲頭一亭收拾便覺炎海豁清
秋潮候朝昏來去山色雨晴濃淡天末送雙眸絕域
遠煙外高浪舞連艘

風景別勝滕閣壓黃樓胡床老子醉揮珠玉落南州
穩駕大鵬八極叱起仙羊五石飛佩過丹丘一笑人
間世機動早驚鷗

水調歌頭

壽參政徐意一

地位到公輔耆艾過稀年幾人兼此二美而况是名
賢松栢蒼然長健薑桂老來愈辣勁氣九秋天鯁鯁
嬰鱗語不改鐵心堅

說武夷同此月瑞三仙公雖居後壞竒偉特却光前

續得紫陽脉終了却西山事業舟揖濟商川飲對黃
花耐一酌歲三千

水調歌頭

題登春臺

野趣在城市崛起此臺高誰移蓬島馮夷夜半策靈
鰲十萬人家甃碧四面峯巒湧翠遠峙拍銀濤挿漢
筆雙塔簸兩葉輕舠

我乘風時一到共嬉遨江山無復偃蹇彈壓有詩豪
寶劍孤橫星動鐵笛一聲雲裂寒月冰宮袍滄海一
杯酒世界耿鴻毛

念奴嬌

壽王守母

瑤池高會見雲香鳳背風柔鶴膝天遣月卿來拜舞
新拜璽書增秩有母能賢生兒如此總是前身佛孫
曾戲綵慈顏一笑閑逸

曾向渾尺軒中共評今古手寫王言綽箇裏廼翁棠
蔭在映得梅仙山碧人愛黃堂祝萱堂壽拍拍歡聲
溢明年宣勸蟠桃大棗庭實

念奴嬌

寶祐丁巳閏四月偕十友避暑白雲寺

麥秋時候薄陰罩炎日山行乘興筇屐追隨多勝侶
青佩黃冠方領坐石談玄聽泉濯暑直上千山頂倚
風長嘯籟鳴林谷相應

忽湧雲氣漫空海吹急雨覺水練微冷洗盡人間名